

SAMPYKKT

137

16. júlí

fyrir Veiðifélag Húseyjarkvíslar.**1. gr.**

Félagið heitir Veiðifélag Húseyjarkvíslar.

Heimili félagsins og varnarþing er sama og formanns á hverjum tíma, enda sé hann búsettur á félagssvæðinu.

2. gr.

Verkefni félagsins er að auka lax- og silungsgengd í Húseyjarkvísl og vatnasvæði hennar og gera veiðina sem arðsamasta og árvissasta fyrir félagsmenn. Þessum tilgangi vill félagið ná með eftirfarandi:

- a. Friðun á laxi og silungi eftir því, sem þörf krefur.
- b. Að settum reglum um veiðitæki og veiðiaðferðir verði framfylgt, svo sem viðeigandi lög mæla fyrir og samþykkt félagsins.
- c. Öflun laxaseiða og gerð fiskvega, ef þörf krefur að dómi sérfróðra manna.
- d. Að stunda sameiginlega lax- og silungsveiði, eða leigja ána til stangaveiði.
- e. Að koma upp eftirliti til þess að fyrirbyggja ólöglega veiði.

3. gr.

- a. Félagssvæðið nær yfir allar þær jarðir, sem land eiga að Húseyjarkvísl frá því hún fellur í Héraðsvötn að Reykjafossi.
- b. Félagið hefur umráð yfir öllum rétti til lax- og silungsveiði í þessari á.
- c. Félagsmenn eru allir ábúendur þeirra jarða, sem um ræðir í fyrstu málsgrein þessarar greinar, og eru jarðirnar þessar:

Stóra Gröf syðri, Litla Gröf, Páfastaðir, Kjartansstaðakot, Kjartansstaðir, Marbæli, Glaumbær, Mikligarður, Hátún, Halldórsstaðir, Holtskot, Geldingaholt, Stóra Seyla, Brautarholt, Grófagil, Reykjarhóll, Varmahlíð, Brekka, Víðimelur, Álftagerði, Krithóll, Brenniborg, Laufás, Saurbær, Daufá, Reykjavellir, Vindheimar, Borgarey, Húsey, Langamýri 1 og 2, Krossanes, Syðri Húsabakki, Ytri Húsabakki.

- d. Samþykkt þessi tekur einnig til allra þeirra jarða, sem land eiga að Héraðsvötnum frá mótum Húseyjarkvíslar og Héraðsvatna til sjávar, ef slíkt telst ákjósanlegt og ábúendur þessara jarða samþykkja það með sérstakri yfirlýsingu.

4. gr.

- a. Óheimilt er öllum að veiða lax og silung á félagssvæðinu, nema með sérstöku skriflegu leyfi félagsstjórnar eða þess manns, sem falið hefur verið að annast það. Skal þar tekið fram um veiðitíma og veiðitæki, svo og með hvaða kjörum veiðin sé leyfð. Að öðru leyti ákveður aðalfundur hverju sinni, hvernig ánni skuli ráðstafað.
- b. Félagsmönnum og öðrum, sem á félagssvæðinu búa, er bannað að hafa með höndum ádráttarnet, nema þeir geti sannað, að þeir þurfi að nota það til veiði í vötnum utan veiðisvæðisins (félagssvæðisins).

5. gr.

- a. Stjórn félagsins skipa 5 menn, formaður, ritari og gjaldkeri og 2 meðstjórnendur. Skulu þeir kosnir á aðalfundi félagsins til þriggja ára í senn. Þeir ganga úr stjórninni á víxl, fyrsta árið einn, annað árið tveir, hvorir tveggja eftir hlutkesti, og síðan eftir starfstíma í stjórninni.

- 137 b. Enginn félagsmaður getur skorazt undan kosningu í stjórn félagsins, nema um jafnmörg ár og hann hefur setið í stjórn. Stjórnin skiptir sjálf með sér verkum til eins árs í senn. Formaður kveður til funda og stjórnar þeim. Stjórnarfundur er lögmætur, ef meira en helmingur stjórnarnefndarmanna eru á fundi. Úrslitum mála ræður afl atkvæða, en séu þau jöfn, atkvæði formanns. Allar fundargerðir stjórnarinnar skulu ritaðar í gerðabók og skrifa viðstaddir nefndarmenn undir.

6. gr.

Félagsstjórnin ræður öllum félagsmálum milli funda, sér um framkvæmdir fyrir félagið, heldur reikninga þess og kveður til félagsfunda.

7. gr.

Aðalfundur hefur æðsta vald í öllum félagsmálum. Hann skal haldinn fyrir lok aprilmánaðar ár hvert. Félagsstjórn getur kvatt til aukafundar, þegar henni þykir þörf. Skytt er stjórninni að boða til aukafundar ef $\frac{1}{4}$ félagsmanna krefst þess skriflega og greinir fundarefni. Fundur er lögmætur ef $\frac{2}{3}$ félagsmanna er á fundi eða hafa gefið öðrum, sem þar mæta, skriflegt umboð til þess að mæta fyrir sig. Nú verður aðalfundur ekki lögmætur sakir fámennis, og skal þá stjórn félagsins kveðja til fundar á ný innan þriggja vikna; skal þá jafnframt tekið fram í fundarboði, að til fundar sé kvatt á ný vegna þess, að ekki mættu nógu margir á hinum fyrri fundi til þess að hann væri löglegur; er hinn síðari fundur þá lögmætur án tillits til þess, hvað margir mæta. Á fundum ræður afl atkvæða, nema þar sem samþykkt mælir öðruvísi fyrir. Til fundar skal boðað með skriflegri tilkynningu eða símatilkynningu til hvers einstaks félagsmanns með minnst viku fyrirvara.

8. gr.

Á aðalfundi skulu þessi mál tekin fyrir í eftirfarandi röð:

1. Skýrsla stjórnarinnar um hag félagsins og framkvæmdir á liðnu ári.
2. Lagðir fram endurskoðaðir reikningar fyrir s. l. ár með athugasemdum endurskoðenda og svörum reiknishaldara til úrskurðar.
3. Kosið í stjórn félagsins og endurskoðendur.
4. Stjórn félagsins gerir grein fyrir fyrirhugaðri starfsemi félagsins á yfirstandandi ári.
5. Umræður og atkvæðagreiðsla um önnur mál, sem upp kunna að vera borin.

9. gr.

Endurskoðendur félagsreikninganna skulu vera tveir og gildir kosning þeirra til tveggja ára og ganga þeir úr sitt árið hvor, í fyrsta sinn samkvæmt hlutkesti.

10. gr.

Rita skal í gerðabók allar samþykktir aðalfundar og annarra félagsfunda ásamt stuttri greinargerð um annað, er þar gerist. Fundargerðir skulu lesnar í lok fundar og bornar undir atkvæði. Því næst undirritaðar af fundarstjóra og ritara.

11. gr.

Reikningsár félagsins er almanaksárið.

12. gr.

Arður af sameiginlegri veiði og leigu skiptist milli félagsmanna samkvæmt arðskrá, sem lögmætur aðalfundur samþykkir, og undirrituð er af $\frac{2}{3}$ félagsmanna. Gildir hún til 5 ára í senn. Þó er þeim, sem telur sig vanhaldinn um skiptingu arðs

heimilt að krefjast mats samkv. 65. og 84. gr. laga nr. 112 9. okt. 1941, um lax- og silungsveiði. Náist ekki samkomulag um nýja arðskrá að liðnum fimm árum, gildir gamla arðskráin áfram. — Félagsmenn greiði gjöld til félagsins í sama hlutfalli og þeir taka arð. 137
16. júlí

13. gr.

Samþykkt þessari verður ekki breytt nema á aðalfundi, og þarf til þess $\frac{2}{3}$ atkvæða, enda hafi áður verið greint frá henni í fundarboðinu. Félaginu má slíta, ef tillaga um það er samþykkt með $\frac{2}{3}$ atkvæða á tveim lögmætum fundum í röð.

14. gr.

Brot á samþykkt þessari varðar sektum frá kr. 300.00 til kr. 3000.00, og veiðarfæri og veiði eða andvirði hennar gerð upptæk, og renni hvort tveggja til sýslusjóðs.

15. gr.

Það, sem ekki er tekið fram í samþykkt þessari, skal fara með samkvæmt ákvæðum gildandi laga.

Samþykkt þessi, sem gerð er samkvæmt lögum nr. 112 9. okt. 1941, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 16. júlí 1951.

Hermann Jónasson.

Árni G. Eylands.

REGLUGERÐ

138

fyrir Rafveitu Þingeyrar.

16. júlí

A. Stjórn og rekstur.

1. gr.

Markmið rafveitunnar.

Rafveita Þingeyrar er fyrirtæki, sem Þingeyrarhreppur starfrækir í þeim tilgangi, að veita raforku um hreppinn og selja hana til heimilisnotkunar, iðnaðar og annarra þarfa.

Rafveitan er eign hreppsins, en skal rekin sem sjálfstætt fyrirtæki með nafninu: Rafveita Þingeyrar, og hafa sérstakt reikningshald.

2. gr.

Verksvið og orkuveitusvæði.

Rafveita Þingeyrar aflar raforku til almenningsþarfa í hreppnum með því að vinna hana sjálf í orkuverum eða kaupa hana frá öðrum, og veita þeirri orku, sem þannig er keypt eða unnin, um orkuveitukerfi rafveitunnar.

Orkuveitusvæði rafveitunnar er lögsagnarumdæmi Þingeyrarhrepps og sá hluti nágrennis hreppsins, sem hreppsstjórn ákveður og ráðherra samþykkir.

Rafveita Þingeyrar hefur einkarétt til sölu á raforku beint til raforkunotenda á orkuveitusvæði sínu.